

ქ. თბილისი

1. ხელშეკრულების მხარეები

1.1. ერთი მხრივ სსიპ - სოციალური მომსახურების სააგენტო (შემდგომში - „შემსყიდველი“) წარმოდგენილი მისი დირექტორის, გიორგი წოჭოლაურის სახით და მეორე მხრივ, შპს „ჰს ჯარმა“ (შემდგომში - „მიმწოდებელი“), წარმოდგენილი მისი დირექტორის, გოჩა გოგილაშვილის სახით (ორივე ერთად წოდებული - „მხარეებად“), „სახელმწიფო შესყიდვების შესახებ“ საქართველოს კანონის და პრეტენდენტის (შპს „ჰს ჯარმა“) სატენდერო წინადადების საფუძველზე, SPA180007900 ელექტრონული ტენდერის ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი

2.1. „ქრონიკული დაავადებების სამკურნალო მედიკამენტებით უზრუნველყოფის“ 2018 წლის სახელმწიფო პროგრამის ფარგლებში, ფარმაცევტული პროდუქტი „Metoprolol Tartrate“-ის (სავაჭრო დასახელება - „ეგილოკი® 100მგ ტაბლეტი, N60“; შემდგომში - „ფარმაცევტული პროდუქტი“ ან „მედიკამენტი“ ან „საქონელი“ ან „შესყიდვის ობიექტი“) სახელმწიფო შესყიდვა (CPV კოდი 33600000, 33620000, 33622000).

2.2. მოსაწოდებელი ფარმაცევტული საშუალების დასახელება, საერთო რაოდენობა, ერთეულისა და საერთო ფასი, მოწოდების ადგილი და ვადები მოცემულია N1 დანართში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

3.1. ხელშეკრულების საერთო ღირებულება შეადგენს 12 397.50 (თორმეტი ათას სამასოთხმოდამეტი ლარი და 50 თეთრი) ლარს.

3.2. ხელშეკრულების საერთო ღირებულება მოიცავს საქართველოს მოქმედი კანონმდებლობით დადგენილ ყველა შესაბამის გადასახადს რომლის გადახდა ეკისრება „მიმწოდებელს“.

4. შეფუთვა

4.1. მოსაწოდებელი საქონელი შეფუთული უნდა იყოს შესაბამისი ნორმების დაცვით.

4.2. „მიმწოდებელი“ პასუხისმგებელია „შემსყიდველის“ წინაშე საქონლის ნებისმიერი სახის დაზიანების შემთხვევაში, რისთვისაც „მიმწოდებელმა“ უნდა უზრუნველყოს საქონლის სრული უსაფრთხოება ტრანსპორტირებისას, შესაძლო დაზიანებისა და გაფუჭებისგან.

4.3. მოწოდებულ საქონელს უნდა ერთვოდეს შემდეგი ინფორმაცია: „მიმწოდებლის“ დასახელება და მისამართი, „შემსყიდველის“ დასახელება და მისამართი, მიმღების დასახელება („შემსყიდველის“ კონტრაქტორი ფარმაცევტული ბაზა), ტვირთის რაოდენობა, პროდუქციის დასახელება, ინფორმაცია გადატვირთვისას ტვირთის გაფუჭების ან დაზიანების თავიდან ასაცილებლად გასათვალისწინებელი პირობების შესახებ.

4.4. საქონლის ყუთებად დაფასოების შემთხვევაში, თითოეული ყუთი უნდა იყოს დანომრილი და მათზე მკაფიოდ უნდა იყოს დატანილი წინამდებარე ხელშეკრულების 4.3. პუნქტით განსაზღვრული ინფორმაცია.

5. საქონლის მიწოდების და მიღება-ჩაბარების პირობები

5.1. საქონლის მოწოდება ხორციელდება შემდეგი პირობების შესაბამისად:

5.1.1. არანაკლებ 100 000 ტაბლეტი მოწოდებული უნდა იქნეს არა უგვიანეს ხელშეკრულების გაფორმებიდან 5 (ხუთი) სამუშაო დღის ვადაში, საქონლის დარჩენილი რაოდენობა - ეტაპობრივად, შემსყიდველის წერილობითი მოთხოვნის შესაბამისად, ამ მოთხოვნით განსაზღვრულ კონკრეტულ ვადაში, ამასთან, არა უგვიანეს 2018 წლის 28 დეკემბრისა. შემსყიდველის წერილობით მოთხოვნაში განსაზღვრული ვადა არ უნდა იყოს მიმწოდებლის მიერ წერილის მიღებიდან 10 (ათი) კალენდარულ დღეზე ნაკლები.

5.1.2 Incoterms-2010: DDP პირობით, შემდეგ მისამართზე: ქ. თბილისი, იუმაშევის N14.

5.2. საქონლის მიღებისთანავე, ფაქტობრივად მოწოდებულ საქონელზე, მხარეთა უფლებამოსილ პირ(ებ)ს შორის ფორმდება მიღება-ჩაბარების აქტი, რა მომენტიდანაც შემსყიდველზე გადადის საკუთრების უფლება საქონელზე.

5.3. ფაქტობრივად მოწოდებული საქონლის მიღება-ჩაბარება განხორციელდება „შემსყიდველის“ შემმოწმებელი პირის ან/და ჯგუფის მიერ შედგენილი ინსპექტირების (შემოწმება) აქტის საფუძველზე. მიღება-ჩაბარების აქტის გაფორმებამდე ყველა ქონებრივი უფლება საქონელზე ეკუთვნის მიმწოდებელს რომელიც პასუხისმგებელია საქონლის შემთხვევით (მთლიანად ან ნაწილობრივ) დაზიანებაზე ან განადგურებაზე. მიღება-ჩაბარების აქტის ხელმოწერისთანავე აღნიშნული უფლებები და რისკები გადადის შემსყიდველზე.

5.4. იმ შემთხვევაში, თუ მოწოდებული იქნება წინამდებარე ხელშეკრულების პირობებთან შეუსაბამო (წუნდებული) საქონელი, მიმწოდებელი ვალდებულია მოწოდებული „საქონლის“ წუნდების შესახებ დასაბუთებული წერილობითი შეტყობინების მიღების დღიდან არაუმეტეს 45 (ორმოცდახუთი) კალენდარულ დღეში განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე. აღნიშნული პასუხისმგებლობა არ ვრცელდება იმ შემთხვევებზე, როდესაც საქონლის წუნდება გამოწვეულია შემსყიდველის ან/და მისი კონტრაქტორი ფარმაცევტული ბაზის მიერ შენახვის პირობების დარღვევის შედეგად.

6. ფარმაცევტული პროდუქტის ვარგისიანობის ვადა

6.1. პირველ ეტაპზე მოსაწოდებელი სამკურნალო საშუალების ვარგისიანობის ვადა მოწოდების მომენტისათვის უნდა იყოს არა ნაკლებ 12 თვისა, ხოლო დარჩენილი მოსაწოდებელი სამკურნალო საშუალების ვარგისიანობის ვადა მოწოდების მომენტისათვის უნდა იყოს არა ნაკლებ 18 თვისა (დასაშვებია მთლიანი რაოდენობის ერთ ეტაპად მიღება, თუ სამკურნალო საშუალების ვარგისიანობის ვადა მოწოდების მომენტისათვის იქნება 24 თვეზე მეტი).

7. ანგარიშსწორება

7.1. „მიმწოდებელთან“ ანგარიშსწორება განხორციელდება უნაღდო ანგარიშსწორებით, ფაქტიურად მიწოდებული საქონლის შესაბამისად, მხარეთა შორის მიღება-ჩაბარების აქტის გაფორმებიდან და „მიმწოდებლის“ მიერ სასაქონლო ზედნადების წარმოდგენიდან არაუგვიანეს 10 (ათი) სამუშაო დღის განმავლობაში.

7.2. მიღება-ჩაბარების აქტის და სასაქონლო ზედნადების წარმოდგენის გარეშე არ მოხდება თანხის გადახდა.

8. მხარეთა უფლება-მოვალეობანი

8.1. „მიმწოდებელი“ ვალდებულია:

- 8.1.1. ზედმიწევნით დაიცვას წინამდებარე ხელშეკრულებით გათვალისწინებული პირობები;
 - 8.1.2. უზრუნველყოს ამ ხელშეკრულებით განსაზღვრული ფარმაცევტული პროდუქტის მიწოდება „შემსყიდველისათვის“ ხელშეკრულებით დადგენილი პირობების შესაბამისად;
 - 8.1.3. „შემსყიდველის“ მოთხოვნის შემთხვევაში, მიაწოდოს მას ნებისმიერი ინფორმაცია თუ დოკუმენტი, რაც უკავშირდება 2.1. პუნქტით გათვალისწინებული პროგრამის ადმინისტრირებას და/ან 8.2.1. პუნქტით გათვალისწინებული ვალდებულების შესრულებას;
 - 8.1.4. უზრუნველყოს ფარმაცევტული პროდუქტის მიწოდებამდე, მისი შესაბამისი ტექპერატურული რეჟიმის სრული დაცვა;
 - 8.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
 - 8.1.6. ხელშეკრულებით გათვალისწინებული საქონლის მიწოდება განახორციელოს საქართველოს მოქმედი კანონმდებლობით დადგენილი მოთხოვნების სრული დაცვით, წინააღმდეგ შემთხვევაში სრული პასუხისმგებლობა ეკისრება „მიმწოდებელს“.
- 8.2. „შემსყიდველი“ ვალდებულია:
- 8.2.1. ამ ხელშეკრულების მე-7 მუხლის შესაბამისად, უზრუნველყოს „მიმწოდებლის“ დროული ანაზღაურება;
 - 8.2.2. ამ ხელშეკრულების მე-5 მუხლის 5.3 პუნქტის განხორციელების მიზნით, ინსპექტირება (ხელშეკრულებით განსაზღვრული პირობების შესრულების შემოწმება) განახორციელოს როგორც უფლებამოსილი წარმომადგენლის, ისე შემოწმებელი ჯგუფის მეშვეობით. უფლებამოსილ წარმომადგენელ(ებ)ს და/ან შემოწმებელი ჯგუფის შემადგენლობას განსაზღვრავს „შემსყიდველი“. შემოწმებელი ჯგუფი შეიძლება შედგებოდეს (წარმოადგენდეს) როგორც „შემსყიდველის“ თანამშრომლების, ისე „შემსყიდველის“ მიერ დაქირავებული პირებისაგან.
 - 8.2.3. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 8.3. „მიმწოდებელი“ უფლებამოსილია, ხელშეკრულების ფარგლებში, მოითხოვოს დროული და სრული ანაზღაურება.
- 8.4. „შემსყიდველს“ უფლება აქვს:
- 8.4.1. შეწყვიტოს ხელშეკრულება ფარმაცევტული პროდუქტის ხარისხის და/ან მიწოდების პირობების გაუარესების გამო;
 - 8.4.2. მოთხოვოს „მიმწოდებელს“ წინამდებარე ხელშეკრულებით გათვალისწინებული პირობების დაცვა.

9. ხელშეკრულების პირობების და ფასების გადასინჯვა

- 9.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.
- 9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების საერთო ღირებულების 10%-ზე მეტი ოდენობით გაზრდა.
- 9.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, მხარეთა უფლებამოსილ წარმომადგენლებს შორის, რომელიც ჩაითვლება ხელშეკრულების განუყოფელ ნაწილად.

10. მხარეთა მიერ ვალდებულებების შეუსრულებლობა

- 10.1. ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში (მათ შორის, წინამდებარე ხელშეკრულების 5.4. პუნქტით განსაზღვრული ვადის მიმდინარეობისას), მხარეებს ეკისრებათ პირგასამტეხლო შეუსრულებელი ვალდებულების ღირებულების 0,02%-ის ოდენობით, ყოველ ვადაგადაცილებულ კალენდარულ დღეზე.
- 10.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 10.3. იმ შემთხვევაში, თუ „მიმწოდებელი“ გადააცილებს ხელშეკრულებით გათვალისწინებული მედიკამენტის მიწოდების ვადას (მათ შორის, ხელშეკრულების 5.4. პუნქტით განსაზღვრულ დამატებით ვადას) 10 (ათი) კალენდარული დღით, „შემსყიდველს“ უფლება აქვს შეწყვიტოს ხელშეკრულება და მოსთხოვოს „მიმწოდებელს“ პირგასამტეხლოს ანაზღაურება ხელშეკრულების ღირებულების 10%-ის ოდენობით.

10.4. ამ მუხლით გათვალისწინებული საჯარიმო სანქციების გარდა, თითოეული მხარე ვალდებულია, აუნაზღაუროს მეორე მხარეს ვალდებულებათა შეუსრულებლობით ან არაჯეროვანი შესრულებით მიყენებული ზიანი, ამ ხელშეკრულებით და/ან მოქმედი კანონმდებლობით დადგენილი პირობების შესაბამისად.

11. ფორს-მაჟორული სიტუაცია

11.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაუღალავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

11.2. გადაუღალავი ძალად ჩაითვლება შემდეგი (და არა მხოლოდ):

11.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

11.2.2. გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

11.2.3. ეპიდემიები;

11.2.4. ბლოკადა ან ნებისმიერი ეკონომიკური ემბარგო, ან საბიუჯეტო ასიგნებების მკვეთრი შემცირებით.

11.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტს ან აჩერებს ხელშეკრულების დებულებებსა და პირობებს.

11.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

11.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

11.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

11.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

11.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასატანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

11.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით.

12. ხელშეკრულების შეწყვეტა

12.1. ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

12.2. ხელშეკრულების 12.1. პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით.

12.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

12.4. ხელშეკრულება აგრეთვე შეიძლება შეწყვეტილ იქნეს:

12.4.1. ურთიერთვალდებულებების შესრულებით.

12.4.2. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

13. დავები და მათი გადაწყვეტის წესი

13.1. მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.

13.2. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი, მოლაპარაკებების პროცესში შეთანხმებით მოავარდინოს ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.3. თუ მხარეები ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს საქართველოს სასამართლოს.

14. ხელშეკრულების მოქმედების ვადა

14.1. ხელშეკრულება ძალაშია ხელმოწერის დღიდან და მოქმედებს 2019 წლის 31 იანვრის ჩათვლით.

15. სხვა პირობები

15.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

15.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

15.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

15.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა.

15.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

15.6. ხელშეკრულების რომელიმე ნორმის (მუხლის, პუნქტის) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეები ვთანხმდებით, რომ ამ შემთხვევაში არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.

15.7. წინამდებარე ხელშეკრულების ფარგლებში მხარეთა შორის ინფორმაციის გაცვლა, შეტყობინების გაგზავნა და ა. შ. შესაძლებელია განხორციელდეს როგორც წერილის გაგზავნით, ისე ელექტრონული ფოსტის მეშვეობით.

15.8. ამ ხელშეკრულებით გასაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არა უგვიანეს დადგენილი ვადის მომდევნო სამუშაო დღეს.

15.9. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

15.10. ხელშეკრულება შედგენილია 5 (ხუთი) ფურცლად, 3 ეგზემპლარად და თითოეულ მათგანს თანაბარი იურიდიული ძალა აქვს. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი - „შემსყიდველთან“.

16. მხარეთა იურიდიული მისამართები და რეკვიზიტები:

„შემსყიდველი“


სსიპ სოციალური მომსახურების სააგენტო
ქ. თბილისი, აკ. წერეთლის გამზ. №144
საიდენტიფიკაციო კოდი №202178927



გიორგი წიწკოლაური
დირექტორი

„მიმწოდებელი“

შპს „სპ-ფარმა“
მისამართი: დმანისი, ცურტაველის N54
ქ. თბილისი, დავით აღმაშენებლის 148/3
ბანკის კოდი: TBCBGE22
ანგარიშის ნომერი: GE26TB0677136020100007
საიდენტიფიკაციო კოდი: 202203123



ვიზირებულია: თ. მოდებამე

ლ. მამულაშვილი

კ. ჩხარტიშვილი


ი. გობეჯიშვილი

ბ. დათუკიშვილი

ა. ვასაძე

მოსაწოდებელი საქონლის დასახელება	რაოდენობა (ტაბლეტი)	წარმოშობის ქვეყანა/მწარ მოებელი კომპანია	მახასიათებ ელი	ერთეუ ლის ფასი	მთლიანი ღირებუ ლება	მიწოდების ადგილი	მიწოდების გრაფიკი
Metoprolol	261000	უნგრეთი/EG IS	ეგილოკი® 100მგ ტაბლეტი, N60	0.0475	12 397.50	Incoterms-2010: DDP პირობით, შემდეგ მისამართზე: ქ. თბილისი, იუმაშევის N14.	არანაკლებ 100 000 ტაბლეტი მოწოდებული უნდა იქნეს არა უგვიანეს ხელშეკრულების გაფორმებიდან 5 (ხუთი) სამუშაო დღის ვადაში, საქონლის დარჩენილი რაოდენობა - ეტაპობრივად, შემსყიდველის წერილობითი მოთხოვნის შესაბამისად, ამ მოთხოვნით განსაზღვრულ კონკრეტულ ვადაში, ამასთან, არა უგვიანეს 2018 წლის 28 დეკემბრისა. შემსყიდველის წერილობით მოთხოვნაში განსაზღვრული ვადა არ უნდა იყოს მიწოდებლის მიერ წერილის მიღებიდან 10 (ათი) კალენდარულ დღეზე ნაკლები.
სულ ჯამი:	თორმეტი ათას სამასოთხმოცდაჩვიდმეტი ლარი და 50 თეთრი						


 გიორგი წიქოლაური
 სააგენტოს დირექტორი


 გოჩა გოგილაშვილი
 დირექტორი
 PSP-Pharma

30 ოქტომბერი 2018 წელი

ხელწერილი

ინტერესთა კონფლიქტის არარსებობის შესახებ

წინამდებარე ხელწერილით ვადასტურებთ, რომ ჩვენი მონაწილეობა „ქრონიკული დაავადებების სამკურნალო მედიკამენტებით უზრუნველყოფის“ 2018 წლის სახელმწიფო პროგრამის ფარგლებში, ფარმაცევტული პროდუქტი - „Metoprolol Tartrate“ სახელმწიფო შესყიდვის მიზნით, გამოცხადებული ელექტრონული ტენდერის (SPA180007900) შედეგების შესაბამისად, შპს „პსპ ფარმასთან“ გაფორმებული ხელშეკრულების N35030311/18 კონტროლში/მონიტორინგში/ინპექტირებაში, არ ეწინააღმდეგება „სახელმწიფო შესყიდვების შესახებ“ კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

აღნიშნულს ვადასტურებთ ხელისმოწერით:

ირაკლი წვერავა

_____ ი.წვერავა

ნათია ყორანაშვილი

_____ ნ. ყორანაშვილი